

Kibaaroolu mennu danteeta Julayi, Okosi niƙ Sekitemba karoo kono sanji 2005

Kibaari kutoolu be santo

Moodu Kante 30.09.2005

Kambiya katadamfu kafoo ye bankoo too bondi duniyaa kono

Kambiya kambaanolu la katadamfu kafoo, ì ka fo meƙ ye ko *U-17* waraƙ "*Baby Scorpions*", seyita Aramisoo Sekitemba karoo tili taƙ niƙ kononto ka bo Peru, duniyaa bee la *U-17* kafoolu benta katadamfu ñoosaboo la daameƙ.

Kafoo ñiƙ ye Kambiya too bondi duniyaa tonkon naanolu bee to waatoo meƙ na ì ye duniyaa bee la katadambu mansoolu, mennu mu Barasili, buutee daa ñaa saba wolu ye kiliƙ soto. Wo ñoosaboo, Kambiya niƙ Barasili le a daa yele. Wo le ye a tinna moo jamaa duniyaa kono ye hamoo soto ka wo maacoo juubee. Wo waatoo la moolu maƙ a loƙ Kambiya be mintoo maafaƙo la, bari ì ye a loƙ ko, Barasili too bota katadamfoo la kuwo la baake. Katadamfulaa jamaa, ko meƙ *Ronaldo* niƙ *Carlos*, mennu too faramansita duniyaa kono, wolu bota jee le, aduƙ Mandinkoolu ko, "wontoo buka ñunuma a diƙolu ye taama". Bari wo Mandika mansaaloo maƙ naa taama Barasili niƙ Kambiya teema, kaatu "*Baby Scorpions*" waraƙ "buntalindiƙolu" naata Barasili buutee. Moolu naata ka jaakali baake wo kuwo la, kaatu Kambiya too maƙ bo nuƙ duniyaa kono wo ñaama.



Ka katadamfulaalu bambandi, bankoo la naatonkoo, Yaayaa Jamme, ye kuluntiilaa luwaasi ka moo keme niƙ feƙ samba Peeru jee ka. Kuluntiilaa ñiƙ naata taridee domandiƙ aduƙ wo moolu naata tara hoteloo to fo tili dantaƙ janniƙ ì be taa la, bari hani wo ì niƙ seewoo le tarata hoteloo to. ì be tooroolu aniƙ tamburiƙolu fee kaƙ daa-wo-daa, biriƙ kuluntiilaa naata ka ì samba wo luƙo le Kambiya niƙ Kataar benta.

Ì niƙ wo maƙ-maƙ kiliƙo le dunta Peru la alihawaa kono aduƙ ì lafita ka jii *Piura* saatewo kono. Wo keta jaakalikuu baa le ti, kaatu kuluntiilaa jiidulaa ofisoolu ye a fo ko, kuluntiilaa ñiƙ maƙ ñaƙ na jii la wo dulaa to. Wo waati kiliƙ kono Kambiyankoolu ye feeroo siti, ì ko: "Ñ na esansoo be baƙ na le!" Jee le ì naataa ñaamento jii wo dulaa to. Ofisoolu ye ì la paasipooroolu muta, bari bambandirilaalu tententa ka taa duƙ katadamfu bayewo to.



Moolu bee jaakalita tumoo meɗ na Kambiya bambandirilaalu dunta bayewo kono, ì niɗ wuuroo, tantan̄ kosoo anin̄ doɗo. Ì ye Kambiya bandeeroolu wulindi santo waatoo meɗ na Kambiya ye Kataar buutee 3-1.

Wo waatoo la moo jamaa jikita ko Kambiya be kopoo samba la nan̄, bari wo man̄ naa ke. Kambiya la kuwou naata tiiɗaa tumoo meɗ na Nedalani bankoo naata ì busa daaɗaa fula, itolu man̄ feɗ soto. Wo naata Kambiya daa bondi ñoosaboo kono. Wo keta ñaa-wo-ñaa, duniyaa moolu sonta ko, Kambiya kafoo mu jatoolu le ti, kaatu ì katadamfu buwaalu, mennu mu Baraasili ti, ì ye wolu buutee le.

Bambandirilaalu la kuluntiilaa fanaa naata ì murundi nan̄, bari ì bee man̄ muruɗ. Moo tan̄ niɗ naani tuta jee ì la niidiyaa kamma la.

Moodu Kante 30.09.2005

Dipitee Kariteefayinkaɗo

Kambiya la dipitee buɗo, wolu le ye kariteefayinkaɗo ke nuɗ Aramisoo Sekitemba karoo tili muwan̄ niɗ kononto. A keta tumoo meɗ na Hamat Ba, Haliifa Salla, Siidiya Jaata anin̄ Kemesen̄ Jamme foota ì la siiraɗolu la dipitee buɗo to, kaatu ì ye patii kutoo le loo, ì ka fo meɗ ye ko *NADD*. Bankoo la luwaa bundaa man̄ soɗ moo kilin̄ ye tara patii fula to.



Kabirin̄ ì ye kariteefayoo seyinkaɗ dipitee saba ye ì la siiraɗolu taa kotenke, bari Hamat Ba, wo foota a la siiraɗo la, kaatu Seeni Mbayi (*APRC*) le ye nooroo ke Saluumi maafaɗo la. Kariteekesoolu la nankamoolu fele.

Saluumi	Seeni Mbayi (<i>APRC</i>) 2946	- Hamat Ba (<i>NADD</i>) 2454	<i>Haliifa Salla</i>
Seerekundaa	Haliifa Salla (<i>NADD</i>) 5911	- Layi Saaɗan̄ (<i>APRC</i>) 3984	
Wulli	Siidiya Jaata (<i>NADD</i>) 3430	- Janko Jawune (<i>APRC</i>) 2659	
Jaara	Kemesen̄ Jamme (<i>NADD</i>) 3444	- Musa Seedi-Kan (<i>APRC</i>) 2974	

Moodu Kante 27.09.2005

Koleera kuuraŋo feeñita Kambiya

Kambiya la bundaa meŋ marata jaatakendeyaa la bankoo kaŋ, wulu ye a yitandi jamaa moolu la ko, ì ñanta ì hakiloolu tu la baake ñiŋ waatoo kono, kaatu saasaa, ì ka a fo meŋ ye koleera, a be bankoo kaŋ jaŋ. Moo dantaŋ ye wo kuuraŋo soto aduŋ ì be laariŋ bankoo la lopitaani baa to Banjunu.



Aduŋ wo kuwo sababoo keta moolu la taa niŋ naa la bankoo kaŋ. ì ye moolu yaamari, sako moolu mennu lafita taama la, ì si ì hakiloolu tu baake waraŋ niŋ a ye a tara, ì be taama la ì si ì hakiloolu tu niŋ kuwoolu ma-: ì si ì la fansuŋ domoroolu niŋ jiyo parendi, aniŋ ì si a je ko, ì ye domori feŋolu bee kuu janniŋ ì ba a domo la. Buloolu fanaa ñanta kuu la le niŋ a ye a tara ì maarii taata kamoo to. Hani kabii, wo bundaa kiliŋo ye a yitandi ko, moo-wo-moo niŋ ì ye a tara kono bayoo aniŋ foonoo ye ì maarii muta, ì si bori katabake lopitaanoo to meŋ sutiyaata ì maarii la. Bundaa ñiŋ ko, itolu be pareeriŋ ka ñiŋ kurango kele.

Moodu Kante 27.09.2005

Kasamansi la rebeloolu ko, ì maŋ kodi taa *Wade* bulu

Kasamansi la rebeli ñaatonkoo *Diamacounce Senghor* ye kumoolu soosoo le ko, peresidaŋ *Wade* ye kodoo dii itolu rebeloolu la. Wo kumoo fintita nuŋ Senekaali la kibaari kayitoolu le to ka a yitandi ko, kari-wo-kari Senekaali mansakundaa ka Seefa (*CFA*) kodoo miliyoŋ muwaŋ niŋ kiliŋ ne dii itolu Kasamansi rebeloolu la. *Diamacounce* ye ñiŋ yitandi ko, wo kumoo bee maŋ ke tooña ti. A ko itolu rebeloolu ye *Wade* la mansakundaa le muta kuu ti, kaatu a ko, wolu maŋ ñaŋ na soŋ na kumoolu la, mennu maŋ kala niŋ feñe soto, ka wolu fo kibaari kayitoolu to. A ko, itolu de, niŋ a ye a tara, kibaari safeerilaa ye kuu safee ì la kuwolu to, meŋ maŋ ke tooña ti, ì niŋ wo maarii be talaa la daameŋ, ñaama te faliŋ na wo dulaa to.

Kasamansi rebeloolu niŋ Senekaali mansakundaa meeta keloo kono fo sanji jamaa, bari ñiŋ waatoo kono kayiroo kumaasita ka naa jee.

Moodu Kante 27.09.2005

Indiya ye Kambiya mansakundaa deema booroolu la

Indiya mansakundaa, wolu le ye Kambiya mansakundaa deema boorikesoolu la meŋ nankamoo taata fo miliyoŋ kononto Kambiya kodoo. Aduŋ ñiŋ deemaaroo mu ka laahidoo timmandi Indiya la mansakundaa la karoo la, waatoo meŋ na Kambiya mansakundaa ye maakoyiroo ñininkaa ì bulu.

Kabiriŋ ñiŋ booroolu be dii kaŋ Kambiya mansakundaa la, *Observer* kibaari kayitoo ye a yitandi ko, *Parbati Sen Vyas*, meŋ ye a futandi Indiya mansakundaa tooyaa la Kambiya jaŋ, a ye a yitandi ko, Indiya de ì ka Moofinduu bankoolu kummaayandi baake, sako mennu be tilijii maafaŋolu la, aduŋ a ko, Kambiya be wolu le kono.

Moodu Kante 27.09.2005

Kambiya ye Joola la kupiroo juura

Kambiyankoolu fanaa kafuta Senekaali moolu la ka ì la balafaa anij niikuyaa yitandi moolu la, mennu niyolu tuta nuɗ baa kono sanji saba koomanto waatoo meɗ na, ì ka a fo kulunjo meɗ ye, Joola, tuunenta Kambiya baa kono. Moolu, mennu niyolu tuta jee, a taata fo moo wuli kilin niɗ feɗ.



Moo jamaa benta nuɗ Kambiya la jaameɗ baa doo to, ì ka a fo daameɗ *Pipeline Mosque* ka duwaa furewolu ye anij ka Alla Tallaa daani, a si yamfa wo moolu ye. Kabirinjo wo kuwolu keta kulunjo maɗ soto, meɗ be bori la Kasamansi niɗ Dakaaru teema, adunjo wo naata mantooro saabu baake moolu ye, sako juloolu mennu ka feɗolu waafi wo dulaa fuloolu teema. Bari niɗ waatoo kuwolu be sooneeyaa la, kaatunjo kulunjo baa doo be jee ka niɗ dookuwo kumaasi.

Moodu Kante, 22.09.2005

Senekaali soojaroolu dunta Kambiya

Senekaali soojaroolu, meɗ taata fo soojari taɗ anij naani, wolu le dunta nuɗ Kambiya la kapitaloo to, Banjunu saatewo kono, ì niɗ ì la joraɗolu. Wo kuwo keta nuɗ Sekitemba karoo tili muwaɗ. Wo naata a saabu moo jamaa silata, kaatu niɗ banku fuloo maɗ diyaa baake niɗ waatoo kono.

Bari birinjo Kambiya la soojaroolu naata ì nininkaa ì la daaliiloo la ka duɗ Kambiya ì ko, ì ye ì la keebaa doo le dandaɗ ka bo Dakaaru ka taa Kasamansi. Wo le ye a tinna ì naata feriwu to.

Niɗ ali hakiloolu be a kaɗ, Okoosi karoo kono Kambiya ye feriwolu la joo lafaa. Wo naata Senekaalinkoolu kamfaa baake. ì fanaa maɗ soɗ Kambiya la motoolu ye duɗ ì la bankoo kaɗ adunjo wo keta bataa baa ti, kaatu saayinjo kaasoo buka soto Kambiya. Moo jamaa, mennu ka kaasoo ke tabirilaɗo ti nunto, ì ka kemboo le taa saayinjo, hani Tubaaboolu.

Moodu Kante, 22.09.2005

Kaniyankoolu ye ì la furee naani suutee Kambiya

Kaana la mansakundaa ye a yitandi kibaaritaalaalu ye ko, luntaɗ seyi, ì ye mennu la furewolu tomboɗ nuɗ Kambiya bankoo kaɗ, wolu kono moo naanoo bee mu Kaana diɗolu le ti. Adunjo Kaana la mansakundaa ko, ì be jikirinjo ko, Kambiya mansakundaa be ì la katadaɗo bee ke la ka a je ko, ì ye wo moolu bee boodulaa loɗ.

Moo taɗ luulu anij naani le bulata kulunjo la ka bo Kaana ka naa Kambiya, wolu kono Senekaali, *Togo*, *Nigeria* anij *Ivory Coast* moolu, wolu bee le be jee. ì ye niɗ moolu jikindi ko, kulunjo le be Kambiya, meɗ be ì samba la Tubaabuduu. Bari wolu kono moolu naata moo seyi la furewolu je Kambiya bankoo kaɗ.

Moodu Kante, 22.09.2005

Kambiya kibaari safeerilaalu la ñaatonkoo taata Ameerika

Madi Siise, Kambiya la kibaari safeerilaalu la ñaatonkoo, wo le taata lookuŋ naani kumpabooro la Ameerika bankoo kaŋ, aduŋ a be kafu la kibaari safeerilaa doolu le la, mennu bota banku doolu to duniyaa kono.

Aduŋ wo lookuŋ naani kumpabooro daliiloo mu ka fahaamuroo dii ò la Ameerika kibaari safeerilaalu la kuwo la aduŋ ka juubeeroo ke kibaari safeerilaalu la ñantoolu anii ò la dookuwolu be laarii ñaameŋ. Wo kono ò be futa la karambuŋolu to anii wo bankoo la kibaari safeerilaa ñaatonkoolu.

Momodu Daabo 15.09.2005

Tiyasafaaroo

Kambiya bankoo la minisita saba, kibaari taalaalu anii niitiyolu, mennu be tiyasafaaroo bundaa to, ò benta Araba luŋo puru ka feeroolu siti meŋ be a saabu la tiyoo safaaroo si nooneeyaa bankoo kaŋ.

A la diyaamoo to beŋo daayele waatoo, minisita meŋ marata senoo bundaa la, Yankuba Tuure, ye ñiiŋ fo ko, koleyaa kuu jamaa le sotota ñiiŋ sanji tambilaalu kono tiyoo la safaaroo to. A ye ñiiŋ tandi de, tiyoo mu feŋ ne ti, meŋ mansakundaa ka nafaa jamaa soto a fiiroo to duniyaa marisewo to. Minisita Tuure ñiiŋ fo ko de, ò be ñiiŋ temboo meŋ to, Kambiya mansakundaa, niŋ i ye a yirika, a ka kodoo meŋ soto tiyoo safaaroo to banta la bankoolu kaŋ, a buka wo soto fannaa doolu to. A naata ñiiŋ fo ko de,

"Kambiya mansakundaa la banta la fiiroo, niŋ i ye a yirika, jamaa baa ka bondi tiyoo safaaroo le to, meŋ si taa fo siidulaa taŋ wooro niŋ feŋ Kambiya la naafuloo bee ka bo tiyoo le to. Ñiiŋ naafuloo le ka bankoo maakoyi ka a la senoo bundaa, jaatakendeyaa bundaa, karaŋo bundaa anii bundaa jamaalu yiriwandi", senoo bundaa la minisita ye wo tandi.

A naata a fo fanaa de, baawo tiyoo la kummaayaa Kambiya bankoo to, wo to feeroolu ñanta siti la le ka a je ko tiyoo si waafi a ñaama.

Moo jamaa, mennu maabeeta beŋo ñiiŋ to, ye ñiiŋ ne tandi de, kuu jamaa mennu be ko yoronaaritoo, maaboridulaalu anii dontoroo, wolu mu kuwolu le ti, meŋ ka tiyoo fiiroo koleyandi baake. Bari seefoo, meŋ be Ñoomi Duumoo to, Alaaji Taboora Maane ye ñiiŋ fo ko de, dontori sandiroo te bayi noo la tiyoo la safaaroo to, kaatuŋ a ka waatoo doo taa le janniŋ tiya juloolu ka ò la kodoo soto mansakundaa bulu. Wo kamma la a ye daanioroo ke puru senelaalu si a fahaamu wo ñaama.

"Ò ka lafi le ka senelaalu la kodoo dii ò la a waatoo, bari a ka koleyaa le, baawo janniŋ ò be ò la tiyoo peesa la Saaroo (Denton Bridge), a ka waati jamaa le taa janniŋ ò be ò na kodoo soto la ka senelaalu joo", Ñoomi Duuma seefoo ye wo tandi. A ye ñiiŋ fo ko de, itolu ka lafi le ye senelaalu la kodoo dii la waati sutuŋ, meŋ te toora samba la naŋ i ye. A naata tandi fanaa beŋo ñiiŋ kono de, ñinaŋ saŋo kodoo meŋ ñanta duŋ na tiyoo safaaroo to, a be taa la fo dalasi miliyoŋ keme naani taŋ luulu.

Kambiya bankoo, niŋ i ye a juubee, moo meŋ siita fo kemoo kono taŋ woorowula niŋ luulu, wolu bee ka ò la baluwo soto senoo le to.

Momodu "Justice" Daabo 12.09.2005

Imaamoo ye moolu dandalaa

Imaami Jibiril Kujaabi, meɗ be Talindiɗ jaameɗo to, a ye misilimoolu daani puru ò kana jalango batu. A ye ñiɗ daaniroo ke le tumoo meɗ na moolu ko, ò ye Bayi Ñaasi la la niiniyo je Banjunu saatewo kono.

Kujaabi ko de a nene maɗ ke Isilaamoo taarikoo kono aduɗ a te ke la. A ko, "Muhammadi le sutiyaata moo bee ti Maarii Mansa Tallaa yaa, bari a nene niiniyo maɗ funti moolu kaɗ sanji wuli kiliɗ sanji keme saba a la saayaa koolaa."

Imaami Kujaabi la daaniroo naata le waatoo meɗ na moo keme jamaa, mennu bota Kombo aniɗ Banjunu, taata Faye kundaa koridaa to tumoo meɗ na ò ko, Bayi Ñaasi le la niiniyo funtita buɗo bala wo kari tambilaa. Moo jamaa naata beɗ Faye kundaa ka buɗo baloo maa aniɗ ka sali jee.

(Bayi Ñaasi la nataaloo fele)



Momodu "Justice" Daabo 12.09.2005

Kariteefayoo te ke noo la Ivory Coast

Duniyaa la denna kafu baa (*UN*) la ñaatonkoo, *Kofi Annan*, ye a tandi de, kariteefayoo te ke noo la *Ivory Coast* bankoo kaɗ Okutooba karoo tili taɗ saba ko meɗ ò lafiita a la nuɗ ñaameɗ. A ye ñiɗ ne fo Faransi Radiyo (*RFI*) ye ko de kambenbaliyaa le ye kariteefayoo murundi kooma. Kiditiyolu aniɗ oposisoɗ ñaatonkoolu balanta la puru kariteefayoo si ke, kaatuɗ ò ko a te tiliɗ na.

Ivory Coast farata fula ti, Sonkoduu aniɗ Kabukaroo, sanji saba saayiɗ. Kiditiyolu le ye kabukaroo muta ñiɗ sanji saboo kono. Faransi soojari wuli wooro aniɗ duniyaa la denna kafoo (*UN*) la soojari wuli naani, wo le be *Ivory Coast* puru ka kayiroo sabatindi.

"Kariteefayoo te ke noo la, kaatuɗ politiki ñaatonkoolu niɗ ò la paritiyolu maɗ kambenɗ", misita *Annan* ye

ñiɗ fo Faransi la radiyo ye, ka a senkaɗ lafaa ko de, *UN* maɗ bundaa faɗo londi noo, meɗ ñanta mara la kariteefayoo ñiɗ na.

Kariteefayoo ñiɗ, ò lafiita a ke la le ka fitinoo baɗ *Ivory Coast*.

Momodu "Justice" Daabo 12.09.2005

Yaayaa Jamme taata Amerika

Kambiya bankoo ñaatonkoo, Yaayaa Jamme, bii, Teneɗ luɗo Sekitemba karoo tili taɗ niɗ fula, taata Amerika bankoo kaɗ ka maabee duniyaa bee la beɗ taɗ wooronjango to ñiɗ lookuɗo. Bankoo ñaatonkoo niɗ alifaa kummaa baalu le bota bankoo kaɗ.

Moodu Kante 02.09.2005

Sambiɗ Bisawunkoolu be Nino kalindi la

Francisco Benante, meɗ marata Jinee Bisawu la dipitee buɗo la, ye a yitandi ko, ò ye feeroolu landi le ka "*Nino" Jao Bernado Viera* kalindi katabake fo a si peresidaɗ palaasoo dookuwo dati.

Aduɗ a ko, niɗ ò ye a je ò lafita wo ke la katabake, kaatu moolu ye ɗunuɗunoo dati le ko, dipitee buɗo lafita laa la oposisonnoolu le kaɗ, mennu i ye a loɗ ko, ò maɗ soɗ Nino la kañewo la.

Moodu Kante 02.09.2005

Musoolu lafita ò fansuɗ jaamaɗo loo la

Musukafu doo le be Indiya bankoo kaɗ, ò ko, itolu fanaa hamoo mu ñiɗ ti ko, ò lafita ò fansuɗ jaamaɗo loo la, meɗ i ye a loɗ ko, musoolu doron ne be taa la jee. Niɗ a keta, wo le be ke la jaamaɗ foloo ti, meɗ i ye a loɗ ko, musoolu le ye a loo.

Musoo meɗ ye wo kuwolu ñaatonkayaa, a too mu *Daud Sharifa*, aduɗ a ko, "Jaamaɗo maɗ ke salidulaa doron ti, bari jamaa bee la bendulaa. Musoo la taradulaa maɗ daɗ koobaa to, laaraɗo aniɗ wuluubuɗo to doron."

Momodu "Justice" Daabo 31.08.2005

Kantarilaa fula faata Jinee Bisawu

Kantarilaa fula faata aduɗ doo fanaa naata barama tumoo meɗ na joorantii muwaɗ, mennu ye soojari faanoolu duɗ, ñapita Jinee Bisawu la minisita bundaa kaɗ, meɗ marata bankoo kono kuuña la.

Jinee Bisawu la minisita, meɗ marata bankoo kono kuuñaalu la, ò ka a fo a ye ko *Mumine Embaldo*, ye ñiɗ tandi kibaaritaalalu la de, moo fula mennu be ñiɗ ñapinkannaalu kono, ò ye wolu muta le tumoo meɗ na kidifayoo semboo warata baake.

Jinee Bisawu la soojari kuntiyo *Armando Gomez* ko de, ñiɗ ñapinkannaalu, ò be moolu le kono, mennu maɗ lafi bankoo ye muruɗ luwaa koto.

Momodu "Justice" Daabo 31.08.2005

Kambiya mansakundaa ye jamaa daani

Kambiya mansakundaa ye jamaa daani puru ò si moo-wo-moo la kibaaroo futandi polisoolu la, niŋ ò sobita ko ò ka dindiŋolu le fiiri. Kambiya mansakundaa ye a la suuloo tandi keeñaalu la, moolu ka meŋ ke ka dindiŋolu bondi banku doolu to, ka ò samba naŋ Kambiya bankoo kaŋ, wolu doolu ka naa labaŋ siloolu le kaŋ.

Bundaa, meŋ marata bankoo banta la kuwolu la, ye niŋ tandi de, Kambiya mansakundaa ye a je le ko, ò ñanta niŋ keeña tandi la jamaa la le, kaatuŋ mansakundaa ñanta dindiŋolu la hadamayaa tankandi la le.

Momodu "Justice" Daabo 31.08.2005

Kariteefayoo fulanjaŋo

Kambiyankoolu, mennu be Wulli Tilibo, Saalum, Seerekundaa Teema aniŋ Jaara Tilijii, ò be kariteefayoo ke la le Sekitemba karoo tili muwaŋ niŋ kononto. Niŋ kariteefayoo be ke la le tumoo meŋ na Kambiya la kiitiibuŋ baa ko, dipiteelu mennu be niŋ kariteefayi kaabiiloolu to, ò ye funti dipitee buŋo to, kaatuŋ ò be NADD paritiyo le to aniŋ paritii doolu. Kambiya la mararikaŋo ye niŋ ne tandi de, dipitee te tara noo la paritii fuloo to waati kiliŋo la.

Momodu "Justice" Daabo 31.08.2005

Deenaani fayilaa

Poliisoolu, mennu be Talindiŋ, ò ye musu doo muta ko, ate le ye deenaani furewo fayi Talindiŋ. Musoo niŋ, ò ka a fo meŋ ye Saruba Silla, ò ko konoo le be a la nuŋ, bari konoo naata yeemaŋ, meŋ naata poliisoolu jaakali baake. Í ko, niŋ musoo, a ka deenaani fayoo ke le nuŋ.

Momodu "Justice" Daabo 31.08.2005

ECOWAS la katadamfu ñooseeyaa

Moofinduu Tilijii la fankudenna kafu baa (ECOWAS) la ñooseeyaa katadamfu baa kumaasita *Ivory Coast* bankoo kaŋ niŋ Okosi karoo kono tili taŋ niŋ woorowula le la. Niŋ nooseeyaa, mennu buloo be a koto, wo le mu ECOWAS ti aduŋ a ye a ke le puru ka baadiŋyaa coki Moofinduu Tilijii to. Kafoolu, mennu be jee, wolu mu Kambiya, *Sierra Leone, Liberia, Ivory Coast, Ghana, Togo, Nigeria, Guinea Conacry, Burkina Faso* aniŋ Mali.

Banku doolu maŋ ò daa bula ñooseeyaa niŋ to, wolu kono Senekaali, Muritani, Jinee Bisawu aniŋ Benin.

Momodu "Justice" Daabo 31.08.2005

AU ye Muritani bondi

Moofinduu la kafu baa (AU) ye Muritani bankoo bondi kafoo ñiŋ to le waatoo meŋ na kuudeetaa keta jee. Minisitaalu, mennu be AU, ò taata Muritani ka kuudeetaa ñaatonkoolu kibaari Muritani bankoo la bondoo la.

Mansakundaa kutoo, meŋ be Muritani, a ye dipiteebuŋo janjaŋ ne, m̄ be ñiŋ temboo meŋ to. Soojari kuntiyolu ye~ Muritani la ñaatonka kotoo bondi kuudeetaa to, bari moo maŋ faa jee.

A be Moofindulaa la kafu baa (AU) la luwaalu kono le de, banku-wo-banku ye faliŋo ke mansakundaa la, meŋ niŋ luwaa maŋ taa, ò be wo bankoo bondi la le ñiŋ kafu baa to.

Momodu "Justice" Daabo 31.08.2005

Junkuŋ Bayo la kuwo

Junkuŋ Bayo, Kambiya la banki bundaa baa la ñaatonkoo, saayiŋ ò maŋ taa murundi la Ankaliteeri bankoo kaŋ tumoo meŋ na kiitiibuŋo ko, ò kana a murundi. Ankaliteeri mansakundaa lafita ko, Kambiya mansakundaa si Bayo murundi Ankaliteeri ka bo Kambiya tumoo meŋ na ò ko, a ye suuñaroo le ke kodoo la wo bankoo kaŋ. Kambiya mansakundaa sonta ka Bayo murundi Ankaliteeri, bari Kanifiŋ kiitiibundaa ye a tandi de, Bayo te~muruŋ na, baawo a maŋ suuñari ke.

Momodu "Justice" Daabo 31.08.2005

Poliisoolu ye ninsi suŋo muta

Poliisoolu, mennu be Birikaama Baa, ye moo muwaŋ muta ko, itolu le ye ninsi muwaŋ niŋ kiliŋ suuñaa Fuladuu Tilijiyo la.

Umaru Mansa, meŋ i ye a loŋ ko, poliisoolu ye a muta le, ye ñiŋ fo Kambiya Televisionoo (GRTS) ye ko de, a teerimaa le ye ninsoolu suuñaa ka ò dii a ye la puru a si ò muta a ye. Poliisoolu ye ñiŋ tandi de, ò ye ninsi luulu doronj ne je ka bo ñiŋ ninsi muwaŋ niŋ kiliŋo kono, kaatuŋ suŋolu ye ninsi doolu faa luumoolu le to waraŋ ò ye ò waafi le buusewolu yaa, mennu be wo maafajo la.

Momodu "Justice" Daabo 31.08.2005

Luwaa laata Najiiriyankoo fula kaŋ

Victor Egbo Obincehe aniŋ *Efe Canice*, Najiiriya bankudiŋ fula, kiitiibuŋo ye luwaa koleŋ laa ò kaŋ tumoo meŋ na luwaa ye ò muta ko, ò ye kodi yelemandoo le ke, meŋ taata fo doolaari kodoo wuli taŋ seyi niŋ kiliŋ. *Victor Egbo*, ò ye a alamaani dalasi wuli woorowula, niŋ a maŋ a joo a be taa la kasoo to kari kononto. Aduŋ ò naata a soronj sanji kiliŋ, niŋ a ye meŋ baŋ, ò be a murundi la a la bankoo kaŋ. *Efe*, a mooño, ò naata wo alamaani dalasi wuli taŋ, niŋ a maŋ a joo ò be a soronj na sanji kiliŋ bunjawoo to.


Momodu "Justice" Daabo 31.08.2005

Sii fatanfansoo te Jibiril Siisee batandi la

Liverpool la katadamfulaa baa, Jibiril Siisee, ye ñiñ ne tandi de, sii fatanfansoo te a batandi la. Siisee ye ñiñ fo tumoo meñ na a la kafoo *Liverpool* aniñ *CSKA Sofia* benta niñ katadamfoo la *Bulgaria* bankoo kañ, aduñ moolu ye dati ka a ñaawali.

Siisee ko,
"A diminta baake le waatoo meñ na a keta. A kumaasita le tumoo meñ na jamaa ye sula maañaa ke niñ n lafita katoo damfu la. M bambanta ñiñ ti le aduñ n te soñ na a ye m mantoora".

Kumakaño, meñ bota *UEFA*, ye ñiñ ne tandi de, *UEFA* ye ñiñ kalamuta le ko, ñiñ asidañ siifaa keta *CSKA Sofia* niñ *Liverpool* la ñooseeyaa to le aduñ ì be kuluuroo ke la le ñiñ to. *UEFA* mu bundaa le ti, mennu ka ñiñ katadamfuu kuwolu bee topatoo.



Moodu Kante 26.08.2005

Senekaali mañ soñ Kambiya motoolu ye duñ jee

Senekaali moolu ye a yitandi ko, itolu fanaa te soñ na Kambiya motoolu ye duñ ì la bankoo to, kaatu Kambiya moolu ye ì la feeriyo daa lafaa baake le.

Observer kibaari kayitoo ye a fo ko, Kambiya moto jamaa be looriñ Kaarañ saatewo to jee. Jee le mu Kambiya aniñ Senekaali naanewo ti aduñ ì ko, niñ a ye a tara feeriyo daa mañ jii, Kambiya motoo te duñ na jee. Bari kibaaroolu ye a yitandi ko, banku fuloolu la keebaalu be a kuwo kacaa kañ.

Moodu Kante 26.08.2005

Muritani la peresidañ kotoo sawunta Qatar

Maouya Taya, Muritaninkoolu la peresidañ kotoo bota Kambiya bankoo kañ ka taa *Qatar* bankoo kañ. Aduñ moo jamaa jikita ko, wo bankoo ye tankaridulaa dii a la, fo a si sii noo jee. Niñ ali hakiloolu be a kañ, kari kiliñ komanto soojaroolu ye bankoo taa a bulu, a borita ka naa Kambiya bankoo kañ.


Moodu Kante 26.08.2005

Saddam Hussein ye leetaroo safee

Irakinkoolu la peresidaŋ kotoo, *Saddam Hussein*, wo le ye leetaroo safee ka a yitandi ko, ate niŋ a la dimbaayaa mu sadaa le ti Iraki bankoo ye.

A ye a safee ko, baluwo meŋ maŋ lannoo soto, wo mu kasaaroo le ti. A ko, "Moo meŋ ye a la sotofeŋolu aniŋ a la niyo landi a la bankoo ye, wo maarii ye domandiŋ ne ke, kaatu bankoo niŋ tambita wo la."

Saddam be mutaroo le kono kabiriŋ kari jamaa komanto waatoo meŋ na Amerika soojaroolu ñapita Iraki bankoo kaŋ sanji saba komanto aduŋ ò ye a tuumi ko, a lafita ka kejeooran jawolu le dadaa.



Moodu Kante 19.08.2005

Siirafeŋ maalaalu ye poliisoo kelendi

Siirafeŋ maalaal doolu, wolu le ye poliisi keebaa doo kelendi Birikaama saatewo to, Kambiya bankoo kaŋ. Wo poliisi keebaa too mu Maasaane Koli le ti. *Observer* la kibaari kayitoo ye a yitandi ko, Koli be bo kaŋ dookuudulaa le to, a ka seyi a la suwo kono. Wo to le a ye moo jamaa tara, ò be ñaamoo saba kaŋ siloo kaŋ. Aduŋ kabiriŋ ò ye a loŋ ko, poliisoo le mu a ti, ò ñapita a kaŋ ka a kelendi. Aduŋ ò naata a barama a ñaa to. Ì borita, bari kabiriŋ kibaaroo futata poliisoolu la koridaa to Birikaama jee, wolu ye a kata fo ò ye moo saba muta wolu kono.

Moodu Kante 19.08.2005

Katadamfulaa loota peresidaŋ kariteefayoo la

Kee doo, ò ka a fo meŋ ye *George Weah*, aduŋ a too faramansata katadamfu kuwo la duniyaa kono baake, wo le loota peresidaŋ kariteefayoo la *Liberia* bankoo kaŋ. Aduŋ *Reuter* la kibaari safeerilaalu ye a yitandi ko, moo jamaa lafita wo kewo la baake, kaatu moolu ye a miira ko, niŋ ò ye karitewo fayi a ye, kuu jamaa be sooneeyaa la *Liberia* bankoo kaŋ. Fitinoo keta nuŋ a kono, bari bankoo moolu lafita ka peresidaŋo londi jee ka mara bankoo la. Moo muwan niŋ fula le be ñoosaba kaŋ wo peresidaŋ siiraŋo la *Liberia*. Keloo keta niŋ bankoo kaŋ fo sanji taŋ niŋ naani, aduŋ moo jamaa foota ò la niyolu la.



Moodu Kante 19.08.2005

Kambiya ye Niger bankoo deema siimaŋo la

Kambiya bankoo ye maani tooni wuli kiliŋ ne dii *Niger* bankoo la, ka konkoo kele wo bankoo kaŋ jee.

Kari dantaŋ komanto kibaaroolu aniŋ nataaloolu ye a yitandi televisonoolu to ko, konkoo baa le be wo bankoo to aduŋ wo naata mantooroo saabu jee. Wo le ye a tinna Kambiya bankoo fanaa ye ì la maakoyiroo dii jee. Wo konkoo saaboo keta waatoo meŋ na kuntiŋolu dunta nuŋ wo maafaŋo la ka fiirifeŋolu domo aduŋ sanjoo fanaa naata mankee jee. Hani ka bii banku doolu meŋ ka munta Mali aniŋ Burikina Faso, wolu bee suulata maakoyiroo la, kaatu kuntiŋolu futata jee bee le to.

Moodu Kante 19.08.2005

Bishop Cleary ye Kambiya moolu yaamari

Katolikoolu la keebaa meŋ be Kambiya, *Bishop M. Cleary*, ye bankoo moolu yaamari ko, ì bee ñanta kafu la ñoo la ka bankoo la ñaatotaa sooneeyandi. Aduŋ a ko, ì si a ke noo niŋ a ye a tara ko moolu bee soobeeyaata, ì wakilita ì la dookuwolu la. Niŋ diina keebaa ye wo yaamaroo dii nuŋ waatoo meŋ na Kambiya katolikoolu kafuta duniyaa la, ka kidimandiroo aniŋ juuraloo ke Yeesu Kiristu baamaa Mariyaama la kuwo la bankoo kaŋ. A ko, tenkuŋo te soto noo la niŋ a ye a tara, tiliŋo te kerinŋ. A ko, itolu katolikoolu maŋ Mariyaama muta Alla ti, bari ì ye a horoma le.

Moodu Kante 13.8.2005

Jamme ye miliyoŋ kiliŋ laahidoo dii

Kambiya la peresidaŋo Yaayaa Jamme, wo le ye dolaaroo miliyoŋ kiliŋ laahidoo dii bankoo la sanji taŋ niŋ woorowula kata damfu kafoo la waatoo meŋ na ì taata a tara a la wulu saatewo to Kanilayi, ka sara a ma ka taa maabee duniyaa bee la katadamfu ñoosaboo, meŋ be ke la Peru, kari naalaa.

Peresidaŋo ko, a be dolaaroo Amerika kodoo miliyoŋ kiliŋ dii la wo katadamfu kafoo la niŋ a ye a tara ì ye kopoo kañee. Aduŋ a ye ì yaamari ko, ì ka naa jutu tiimu la jee, kaatu katadamfoo maŋ ke moo taa ti.

A ko, “niŋ banku doolu ye a kañee muŋ ne be Kambiya fanaa bali la ka a kañee?”

Bankoo la ñaatonkoo ye a la moolu yaamari ko, waatoo meŋ na ì be tara la Peru, ì ñanta kuluuroo aniŋ horomoo yitandi la aduŋ ì bee si ì ke kiliŋ ti katadamfu sansaŋo kono.



Moodu Kante 13.8.2005~

Tajirewoolu la kuwoo ye Kambiya hoteli tiyoolu jaakali

Kambiya la hoteli kafoo la siiraŋ tiyoo *Ardy Sarge*, a ye a yitandi *Daily Observer* la kibaari safeerilaa ye ko, itolu, hotelitiyoolu mennu be bankoo kaŋ, ò jaakalita baake waatoo meŋ na wo fanfaalaalu ye tiñaaroo ke Ankaliteeri bankoo kaŋ kari tambilaa. A ko, Ankaliteeri mu banku le ti, meŋ ka Tubaabu luntanŋolu samba naŋ, bari baawo ñiŋ kuwolu keta, a si ke noo Tubaabu luntanŋolu la naa bankoo kaŋ si talaa noo domandiŋ. A ko, wo tiñaaroo meŋ keta *London* saatewo kono si Moofinduu la Tubaabu luntanŋolu kuwolu talaa noo, kaatu Tubaabu luntanŋ jamaa ka bo Ankaliteeri bankoo le kaŋ.

Moodu Kante 13.8.2005

Nino ye Bisawu kariteefayoo kañee

Kibaaroolu, mennu bota Jinee Bisawu, ye a yitandi ko, bankoo ye seyinkaŋ kariteefayoo meŋ keta kotenke, *Nino* le ye a kañee. Niŋ ali hakiloolu be a kaŋ, koomanto *Nino*, *Kumba Yala* aniŋ *Malam Becai Sanha* ye ñoosaba peresidaŋ siiraŋo la, bari ò naata a seyinkaŋ ke *Nino* aniŋ *Becai* teema. Bari *Becai* niŋ a la moolu maŋ soŋ kariteefayoo taata ñaameŋ. Ì ko, tapaleeyaa keta jee le. *Nin Nena* keta Jinee Bisawu la peresidaŋo ti sanji taŋ seyi, bari wo koolaa soojaroolu naata *Nino* diyaakuyaa bondi, a borita ka taa *Portugal* bankoo kaŋ.



Moodu Kante 13.8.2005

Kambiya poliisoolu ye suuta motobaa borindoo toŋ ne

Kambiya la poliisi bundaa ye toŋo laa moolu kaŋ, mennu ka motobaalu borindi suutoo. Ì ko, wo toŋo saaboo mu ñiŋ ti ko, itolu jikita ko, marisandisi jawoolu, mennu ka munta ko siira feŋolu, ka tara wo motobaalu kono mennu ka bori suutoo. Aduŋ ò ko, jamaa-jamaa wo asidaŋolu, mennu jawuyaata bake, ò ka ke wo waatoo le. Saayiŋ motobaa tiyoolu be bori la tilibuloo doron ne la.

Moodu Kante, 21.7.2005

CAF ye Kambiya alamaani

Kafoo meŋ marata Moofinduu la katadamfu kuwolu la, ò ye Kambiya bankoo la katadamfu kafoo alamaani Amerika kodoo wuli taŋ. Aduŋ sababoo keta waatoo meŋ na Kaana bankoo ye woosiiroo ke Kambiya la kuwo la.

Niŋ ali hakiloolu be a kaŋ, Mee kari tambilaa Moofinduu katadamfu ñoosaboo keta nuŋ Kambiya aduŋ Kambiya ye kata daañaa kilinŋ soto bari Kaana maŋ feŋ soto. Bari janniŋ katoo be duŋ na moo doo le dunta Kaana la poosoo kono, wo kuwo ye Kaaniyaanoolu dimi baake. Wo le ye a tinna ò woosiita CAF ñaatiliŋo la. CAF naata je ko, Kambiyankoolu la wo maañaa maŋ ñiiñaa. Wo le ye a tinna ò ye kuluuroo laa Kambiya kaŋ.

Moodu Kante, 14.7.2005

Sanjiyo ye dindiŋo faa Kambiya

Jiyo ye sanji naani dindiŋo le faa Kambiya la saatee baa doo to, ì ka a fo daa meŋ Basse, aduŋ moo jamaa le foota ì la sotofeŋolu la waatoo meŋ na wo jiyo be ke kaŋ Basse jee.

Kibaaroolu ye a yitandi ko, kabiriŋ sanjiyo ye a dati ka naa, a taata fo montoroo waati jamaa a maŋ loo aduŋ jii woyoo naata duŋ saatewo kono, a ye feŋ jamaa kasaara. Basse mu saatee le ti meŋ i ya a loŋ ko, saŋ-wo-saŋ, jiyo ka tiñaaroo ke jee. Bundaa meŋ marata jiyo niŋ alihawa la kuwo la bankoo kaŋ, ì ye a fo ko, ñinaŋ sanji jamaa le be ke la bankookaŋ.

Moodu Kante, 14.7.2005

Kuluntiilaa ye ninsoo taki

France la kulintiilaa doo, wo le ye ninsoolu taki *Nigeria* bankoo kaŋ tumoo meŋ na a be jii kaŋ kulintiilaa jiidulaa to *Nigeria* jee. Kibaaroolu ye a yitandi ko, moolu mennu be nuŋ kulintiilaa kono, ì maŋ barama bari ninsi woorowula, wolu le faata wo loodulaa to.

Alifaalu mennu marata wo kulintiilaa jiidulaa to, mansakundaa ye ì kumandi ka ì ñiininkaa muŋ ne keta fo ninsoolu dunta wo dulaa to.

Moodu Kante, 14.7.2005

Senekaali poliisoolu be Juufu kisikisi kaŋ

Alihaaji Juufu, Senekaali la katadamfulaa baa, poliisoolu mennu be Dakaaru, ì ko, ì be a kisikisi kaŋ ka a juubee fo musoo meŋ ye a tuumi ko, ate Juuf ye a kelendi le fo tooña le mu wo ti. Musoo ye Juufu tuumi ko, a ye a kelendi dansidulaa le to Dakaaru saatewo kono. Aduŋ wo musoo moolu ko, a mu Juufu la kafuñoomaa la sunkutoo le ti.

Moodu Kante, 14.7.2005

Yeesu noomalankoo samba kiitiyo la

China la diina naatonko doo, ì ka a fo meŋ ye *Pastor Cai Zhuohua, Beijing* mansakundaa ye wo le samba kiitiyo la Beijing jee. ì ye a tuumi ko, a ye Bayibuloolu le pirinti meŋ niŋ *Beijing* luwaalu maŋ taa ñoo la.

Wo *Pastor Cai Zhuohua*, ì ye a niŋ a la musoo aniŋ moo fula doo le muta aduŋ ì tarata mutoo kono kari taŋ jaŋniŋ ì be ì samba la kiitiyo la. ì la looyaa ye a fo ko, a maŋ jiki *Pastor Zhuohua*, a naalaa moolu be kana la wo tuumirooma, bari a be a kata daŋo ke la ka *pastor* naalaa moolu maakoyi.

Moodu Kante 07.07.2005

Jamme la Asia kumpaboo

Kambiya bankoo la ñaatonkoo, peresidaŋo Yaayaa Jamme, wo le ye lookuŋ fula kumpabooroo ke *Phillipine*, *Thailand* anin Indonesiya, ñin banku saboolu bee Asiya tundoo le to.



Jamme la kumpabooroo wo banku saboolu to saaboo mu ka julayaa anin safaaroo bundaa bambandi Kambiya nin wo banku saboo lu teema. A ko, nin bankoolu ye Kambiya maakoyi le baake koomanto senoo bundaa la, sako tiyoo la kuwo la. Ka wo ñiiñaa joo, peresidaŋo ye kafu doolu kumandi ka bo nan wolu bankoolu to ka naa dookuwo ke Kambiya.

Moodu Kante 07.07.2005

Ziguinchor Coocoo la juuraloo

Katolikoolu mennu be *Ziguinchor*, Kasamaasi, wolu ye ì la saŋ-wo-saŋ juuraloo ke ì la cooci baa doo to, ì ka a fo meŋ ye *Cathedral of St Anthony of Padua*.

Moo jamaa le bota Kambiya ka maabee wo juuraloo to, kaatu katolikoolu mennu be Kambiya anin Kasamaasi baadiyaa meeta ì teema le kabirin sanji jamaa koomanto. Joolaalu anin Sereeroolu le siyaata Kasamaasi katolikoolu kono.

Moodu Kante 07.07.2005

Imaamoo balanta musoolu la ñantoo la

Kambiya la imaamoo faramansarin baa, Abulaayi Faati, aduŋ ate le fanaa mu mansakundaa la buŋ baa la imaamoo ti, a ye a fo ko, bankoo la dipitewolu ñanta balan na musoolu la ñantoo doolu la, kaatu ì nin isilaamoo maŋ taa ñoo la. Imaamoo Faati ko, musoolu lafita ñantoolu mennu la, wolu maŋ ke misilimiyaa. Wolu kono ñaakatootaabaliyaa, musoolu anin kewolu la kaaŋaŋo anin feŋ jamaa.

Imaamoo ko, wolu bee maŋ ke isilaamoo ti aduŋ ì haraamuta le fanaa. Imaamoo Faati a ye dipiteebuŋ moolu yaamari ko, wolu maŋ ñaŋ na soŋ na luwaa la, meŋ nin isilaamoo maŋ taa ñoo la.

Moodu Kante 07.07.2005

Alhaaji Juufu jikita a la kafoo la

Senekaali la katadamfulaa baa, Alhaaji Juufu ko, a jikita le ko, Senekaali la katadamfu kafoo si kañee noo ka taa duniyaa la katadamfu ñoosaboo to, meŋ be ke la Jaman bankoo kaŋ. A ko, moolu lafita ñina la ko, duniyaa bee la katadamfoo, meŋ keta Faraansi bankoo kaŋ nuŋ, moo maŋ jiki a la kafoo be futa la jee, bari ì naata futa.